

陝西通志

第十一函
冊

陝西通志第十四卷

城池

度地居民軒皇肇制踐華因河天然形勢由腹逮邊大小維繫崇墉言言深域泝泝繕治堅完塞垣至計鞏固秦疆如帶如礪建威銷萌浚築守衛得厥人和金湯百世作城池志第五

西安府

長安咸寧附郭

府城即隋唐京城隋文帝厭長安制小納蘇威諫召高潁等創建新都其地在漢故城東南南直終南子午谷北枕龍首山以據渭水東臨漣灞唐永徽五年築羅城天祐元年匡國軍節度使韓建改築約其制謂之新城宋金元皆因之明洪武初都督濮英增脩周四十里高三丈門四東曰長樂西曰安定南曰永寧北曰安遠四隅角樓四敵樓九十八座十七年建鐘鼓二樓於

城內東西相距半里許正統五年脩葺布政王暹爲記嘉靖五年巡撫王蓋重脩城樓有少保王用賓記隆慶二年巡撫張祉發以輓有布政曹金記崇禎末巡撫孫傳庭築四郭城闖寇入關焚東門樓及南月城樓

本朝順治十三年巡撫陳極新脩葺如制康熙元年兩圯總督白如梅巡撫賈漢復重脩三十八年復脩城內鼓樓咸寧知縣董弘彪記之

滿城在府城內東北隅西界鐘樓

本朝順治六年即故明秦府城改築門五東仍長樂西南因鐘樓東洞西北曰新城南曰端禮西曰西華

咸陽縣城池舊在杜郵館西明洪武四年縣丞孔文郁遷今治築城浚濠有李炳記景泰三年知縣王瑾重脩周四里一百五十

二步南臨渭水衝崩為患正德戊寅知縣底蘊脩河岸制橋
沿堤覆翼嘉靖九年巡撫劉天和復脩之檢討王九思為記二
十六年巡撫謝蘭拓東西北三隅四里有奇高二丈五尺鑿池
深一丈五尺門九東曰朝陽西曰望賢南曰渭陽北曰五陵學
道門曰文明上各建樓又有西北小北小南及新城門萬曆丁
亥堤圯水浸及城知縣樊鎔脩築有御史張應詔記崇禎中知
縣張名世重加築濬譙樓在城內西街

興平縣城池隋大業九年建土築周七里三分高三丈池深一丈
明成化十三年知縣王琮脩築嘉靖三十一年知縣劉賢引泉
溉土築之完固倍昔三十五年知縣朱文環堞築臺起舍建四
門樓有主事劉永記三十八年知縣章評改建譙樓於東南城
上匾四門東曰喜雨西曰喜豐南曰喜晴北曰喜雪

本朝順治中知縣徐開熙重脩

臨潼縣城池在驪山之陰湯泉迴繞西北唐天寶六載建明洪武初增築周四里高二丈七尺池深一丈五尺門四東北曰集鳳西曰永豐南曰華清北曰臨渭萬曆十一年改建北門於西北隅城樓五

本朝順治十年塞北門康熙中知縣趙于京建臨渭亭於城上予方高陵縣城池隋大業七年建周二里百二十步今曰土城爲儒學射圃北垣明景泰元年知縣張錦增築周四里二百二十步高三丈池深二丈五尺門四東曰距河西曰迎翠南曰接蜀北曰通遠東南二門知縣楊清鑑以輓天順中僉事張紳築敵臺葺舖舍嘉靖中知縣鄧興仁闢水門一甃以輓石譙樓在東門內轉南城下

鄆縣城池舊在縣南二里隋大業十年徙建今治金大定二十三年縣令劉某重脩有靳康侯記周六里七十四步高二丈五尺土築池深一丈五尺門四東曰宜春西曰通濟南曰仁智北曰望威舊俱有樓明崇禎九年知縣張宗孟重脩建樓兩層各三楹暨四隅敵樓懸樓四十二座

本朝康熙二十年知縣康如璉重脩譙樓在城內正中

藍田縣城池本名嶢柳城亦名青泥城晉桓溫伐苻健遣京兆太守薛琰擊青泥破之即此舊城周八里後改築之因東南一隅僅三里許門二明嘉靖二年知縣王科拓之周四里有奇高三丈有奇池深二丈濶一丈闢四門東曰繡嶺回春西曰白鹿呈祥南曰灞水環清北曰玉山映翠御史李東記二十年知縣呂好古闢水門於西南隅三十二年知縣楊紹先易女牆以甃萬

曆中知縣王邦才增築北門甕城建門樓西向甃以甃副使秦
隣晉記崇禎中知縣雷鳴時甃北城以甃

本朝順治七年知縣楊行健脩葺甕城十六年知縣郭顯賢脩築

涇陽縣城池秦符堅創建土築元至正二十七年張思道令右丞
魏文佐守禦脩築周五里二十步高三丈五尺池深七尺明景
泰元年知縣曾玉重脩建東西二門東曰宣文西曰寧武成化
間巡撫余子俊增闢南北二門南曰臨川北曰拱辰嘉靖二十
六年增置東西郭崇禎四年城圯知縣梁士淳重脩八年知縣
王珵增脩北門甕城

本朝順治九年知縣王際有重脩南門城樓及鋪舍鼓樓在城內縣
治前鐘樓在聖果寺前

三原縣城池本舊龍橋鎮元至元二十四年徙縣治於此土築周

九里一百八十步高二丈三尺白渠流繞城中東北隅有月城
門四東曰賓陽西曰西達甘涼南曰高山遠翠北曰凝瑞水門
二東西南三面有池深三丈濶五丈北臨清河深十丈餘明初
築西郭城周一里六分爲邑右翼門二西曰三邊要路西南曰
遙迎太白城池高深與縣城同嘉靖三十六年巡撫謝蘭築北
郭城周四里四分高三丈池深如之有光祿馬理記萬曆間少
保溫純重加脩葺建石梁南與縣城相連有尚書李維禎記門
四東曰永泰西曰永安南曰永清北曰永寧崇禎七年知縣張
縉彥以縣城北面瀕河圯圯增甃堞四百五十四丈餘邑諫議
劉曰俊脩馬牆高八尺八年貢生趙希獻首倡築東郭城周三
里三分奇高三丈五尺門二東曰朝陽東南曰迎興

本朝順治初知縣李溥繕雉堞增脩城樓譙樓在城內正中

盤屋縣城池本隋唐舊址東西長南北狹象魚形周五里三分高三丈二尺四面皆重門東曰迓曦西曰萃金南曰迎薰北曰拱極明嘉靖中知縣李春芳於內外東門及西內南外各建樓北內樓則知縣黎元續成之又引廣濟渠由隍西南東西夾流南深一丈廣三丈五尺東西較狹而深

本朝康熙元年知縣駱鍾麟脩築有教諭齊國良記十八年知縣章泰濬壕甃甕城以甌改建城樓復新城北女牆小亭顏曰觀稼自爲文記之雍正二年知縣董霑脩觀稼亭譙樓在縣治前霑並新之亦自爲記

渭南縣城池隋大業九年建元至正二十一年元帥潤廓將商賈東拓二百三十五步明洪武初縣丞吳雲加拓周七里門四東曰拱華西曰望秦南曰通源北曰臨渭東西各有樓嘉靖中知

縣梁沂建北門樓乙卯地震傾圯知縣李希維重築東南北三面又加拓焉周七里三百二十四步高二丈七尺池深一丈五尺塞南門議甃睥睨敵臺會被徵輟隆慶初知縣崔廷試復闢南門增飛樓二年知縣梁許增築甃甃高三丈增角樓四敵樓十二有副使薛騰蛟記萬曆初知縣褚順起門閤與城顛齊甃睥睨水道以甃易門額曰引華襟酒帶渭抱豐萬曆末知縣徐吉重加脩葺

本朝順治間知縣尚九遷康熙間知縣孫熿黃培相繼增脩雍正七年知縣岳冠華重築北城十二丈睥睨俱甃以甃東西門重建吊橋譙樓在縣治前

富平縣城池本名窰橋頭元末張良弼移縣治於此明正統初知縣高應舉始築土爲城周三里高三丈有奇池深一丈門三弘

治中知縣陳濶闢西門嘉靖中巡撫謝蘭增築城外敵臺知縣胡志夔易雉堞以甄乙卯地震城北知縣趙桐繕之知縣崔舉葺四門知縣史燦始竟工扁四門東曰華翔西曰荆路南曰石盤北曰金屏萬曆間知縣劉兌始創東郭更石盤門引玉帶渠水南入隍中

本朝康熙元年知縣鄭崑脩築譙樓在城內縣治東

醴泉縣城池即古仲橋城元行樞密院副也先速迭兒增築土城周二里許明成化四年知縣撒俊增築東西南三面外城六里有奇北則脩舊城阻小河水之險高二丈八尺池深二丈濶倍之有提學伍福記萬曆四年知縣姚燭建城樓敵臺徙鐘鼓樓於縣左闢五門東曰陽和西內曰西城外曰永安南內曰南薰外曰迎恩北曰永定西北內曰遠馭外曰永平有按察韓朝江

記崇禎中知縣韓景芳重脩

延安府

膚施附郭

府城唐天寶初建一云赫連勃勃築宋范仲淹龐籍經畧時繼脩
明弘治初知府崔陞復脩周九里三分高三丈石砌池深二丈
門三東曰東勝南曰順陽北曰安定上建重樓又小東門曰津
陽西面依山上爲鎮西樓范仲淹所建也後燬于兵

本朝順治乙未知府陳培基同進士趙廷錫重建十六年水衝東城
門垣知府牛天宿脩築康熙十四年朱逆燬城樓十八年知府
陳天植重脩又葺城內鼓樓自爲記鐘樓在城東南嘉嶺山古
塔旁

安塞縣城池本金舊堡元初改建明景泰中重脩周三里七分高
一丈七尺池深一丈弘治嘉靖間因城北水患知縣韓震韓弼

卷十四
繼脩移北就南規模悉倣舊制西南北門三南門西向萬曆壬子署篆范有志改建正南崇禎壬申寇陷城南面丁丑知縣彭堯昇督工補築譙樓在縣治前

甘泉縣城池唐天寶初建明景泰中重脩周三里三分高二丈土築池深一丈西南北門三西門以閉

安定縣城池宋置堡元因爲縣明洪武中千戶曹忠重脩周五里三分宣德八年知縣劉整建保障樓於敵臺成化中知縣郭演徐彬相繼建東關城與內城相連共周九里七分高二丈八尺池深一丈五尺東西北門三樓四東曰觀日西曰懷遠中曰治安東角曰作賦嘉靖二十一年知縣和清因城圯北加脩築新懷遠更名禦侮二十四年河西道方遠宜命知縣曹銘以石砌城基女牆四十二年知縣孫黃脩葺城及關城新禦侮治安二

樓萬曆十七年知縣王光祖城上下皆砌以石二十二年知縣
粘鍾崑復脩四十三年知縣魏天命議石甃東關城築東門甃
城未竟四十六年知縣陳應龍續成關南門後塞

本朝康熙七年知縣朱尚義關中城門八年知縣楊蘊脩關城十九
年知縣王友德築西門門共四東內曰迎旭外曰仁和西曰義
成中曰翊文北曰拱極五十二年知縣廖均重加脩築

保安縣城池即古栲栳城唐咸亨間駐禁軍於此宋設保安軍元
因爲縣明洪武二年縣丞洪道脩築成化八年侍郎葉盛言保
安縣去榆林不遠宜聽總督撥兵設伏以遏虜衝突嘉靖四十
年署篆吏目郭邦靖萬曆二十三年知縣陳桂芳相繼增脩周
九里三分高二丈土築東北門二池深一丈崇楨中截西南角
爲城

本朝順治中知縣張嗣賢建城南樓匾曰南薰

宜川縣城池宋初改建元至正中叅政朱希哲脩明正統十四年知縣張繹重脩周四里一百二十八步高三丈土築門四西南跨七郎山東西北三面距河池深三丈

本朝順治四年知縣陳宸銘補築南甕城門雍正三年知縣王志深重建東門洞西城被銀川水衝崩八年復脩

延川縣城池本元舊址明正統中知縣王坦重築周四里高二丈八尺南北門二東爲水門旋塞之池深一丈二尺嘉靖初知縣陳文甃甕城以石厥後知縣金棟王行仁武之屏相繼脩築隆慶初知縣毛儲元重脩

本朝順治戊戌知縣劉穀脩葺北門庚子東北角圯於雨穀復脩之
譙樓在縣治前

延長縣城池金大定二十六年縣令董承務建張廷直記之明弘治中知縣王紳重脩周四里二百四十四步高二丈二尺北倚砦山南臨延水東西門二南爲水門池深一丈嘉靖二年分巡道方遠宜檄知縣張旭陽脩東西南三面咸甃以石北塹崖爲堞水門并以石甃自爲記知縣雷潔繼脩萬曆中知縣王道明脩城內中街鼓樓知縣陳國柱葺雉堞明末移縣治於高部山城距縣二百步元脫列伯令參政何遠所築也

本朝康熙九年知縣陳天祐復移於下城鐘樓在城東角

鳳翔府

鳳翔縣附郭

府城唐末節度使李茂貞建鳳凰泉水繞城四圍周一十二里三分高二丈五尺明景泰元年知府扈遲重脩正德十三年知府王江增脩萬曆二年知府鄒廷望增築高三丈五尺池深二丈

五尺濶三丈易女牆以甃鼎新門樓自爲記門四東曰迎恩西曰保和南曰景明北曰寧遠又有小南門在正南門之東上建五奎樓常閉三十八年通判姚希曾闢重門於正南上構層樓鳳翔縣知縣李榮記之崇禎末知府熊應元繕葺

本朝順治十八年察院許之漸鼎建門樓

岐山縣城池唐武德四年建土築元至元二十五年重脩周五里一百二十步高二丈五尺池深二丈濶三丈東西二門各建樓明景泰元年知縣王澤增脩弘治四年知縣榮節闢南北二門尋以不利塞之正德中知縣王之隣增闕外東西二門嘉靖初知縣趙進增脩東西郭城各周二里許三十四年地震城圯知縣令狐一豸重脩三十九年知縣韓廷芳增築敵臺二十四座萬曆二年僉事梁許檄知縣楊以漸增築加高九尺知縣李敦